

Қазақстан Республикасы Үкіметінің 2012 жылғы 27 наурыздағы №355 қаулысына 2-қосымша
Қазақстан Республикасы Үкіметінің 2008 жылғы 11 маусымдағы № 573 қаулысына қосымша

«Болашақ» халықаралық стипендиясын жұмсау бағыттары

1. «Болашақ» халықаралық стипендиясын жұмсау бағыты (бұдан әрі – «Болашақ» стипендиясы)
«Болашақ» стипендиясын тағайындауға арналған конкурс жеңімпаздарының (бұдан әрі – конкурс
жеңімпазы) оқуын және тағылымдамадан өтуін ұйымдастыруға байланысты шығыстарды төлеуді
қамтиды:

визаларды (консулдық алымды) ресімдеу, ұзарту; шетелдік жоғары оқу орындарына 5-тен (бес)
аспайтын сауалнама нысандарын ресімдеу және тапсыру; конкурс жеңімпаздарын қабылдаушы
елдің уәкілетті органдарында және шетелдік жоғары оқу орындарында тіркеу; шет тілін білу
деңгейін айқындауға бір тестілеуді, академиялық оқуды, тағылымдамадан өтуді қоса алғанда,
Шетелде кадрлар даярлау жөніндегі республикалық комиссияның шешімі бойынша олардың өтуі
қажет болған жағдайда тілдік курстар; академиялық және техникалық даярлық деңгейін анықтау
бойынша академиялық оқуға түсу үшін шетелдік жоғары оқу орындарының талаптары бойынша
қажетті пәндік емтихандарды бір реттен көп емес тапсыру; академиялық оқуға, тілдік курстарға
түсу кезінде, сондай-ақ тілдік даярлық, академиялық оқыту, конкурс жеңімпазының тағылымдамасы
процесінде қажетті тағылымдамаларды, тілдік курстарды (бұдан әрі – тілдік мектеп) өткізуді жүзеге
асыратын шетелдік жоғары оқу орындарының, шетелдік ұйымдардың (бұдан әрі – шетелдік ұйым)
талаптары бойынша міндетті қызметтер; оқу елінде тұру және тамақтану, тілдік курстан,
тағылымдамадан өту, оқу әдебиетін сатып алу; тілдік курстардан, академиялық оқудан,
тағылымдамадан өту елінің және/немесе шетелдік жоғары оқу орнының, тілдік мектептің, шетелдік
ұйымның талаптарына сәйкес міндетті медициналық тексеріс; конкурс жеңімпазының банк
карточкасын жасау, қолданылу мерзімі аяқталғаннан кейін қайта шығару және оған қызмет
көрсету; шет мемлекеттердің уәкілетті органдары (бұдан әрі – шетелдік әріптестер) айқындайтын
шетелдік жоғары оқу орындарының, тілдік мектептердің немесе шетелдік ұйымдардың конкурс
жеңімпазының үлгерімі туралы ресми құжаттарды (транскриптілерді) беруі; жазатайым оқиғалар
мен кенеттен ауру пайда болудан шетелдік студенттер үшін көзделген медициналық сақтандыру;
академиялық оқуы не тілдік курстардан, тағылымдамадан өтуі басталған сәттен бастап «Болашақ»
стипендиясы тағайындалғаннан кейін Қазақстан Республикасында тұратын жерінен академиялық
оқу, тілдік курстардан, тағылымдамадан өту орнына дейін және тілдік курстарды, академиялық
оқуды аяқтағаннан не тағылымдамадан өткеннен кейін кері бағытта жол жүру, академиялық
оқудың ұзақтығы 1 (бір) оқу жылынан асатын болса, Қазақстан Республикасында тұратын жерінен
оқудың әрбір оқу жылының басында оқитын жеріне дейін жол жүру және оқуының әрбір оқу жылы
аяқталғаннан кейін кері бағытта жол жүру, сондай-ақ Қазақстан Республикасында визаны ресімдеу
не ұзарту қажет болған жағдайда, академиялық оқу, тағылымдамадан, тілдік курстардан өту
орнынан және кері бағытта жол жүру үшін ақы; шетелдік әріптестердің конкурс жеңімпаздарының
академиялық оқуын, тілдік курстарын, тағылымдамаларын ұйымдастыру жөніндегі қызметтерді
көрсету шарттары бойынша міндеттемелерін орындауға байланысты шығыстары.

2. Шетелде кадрлар даярлау жөніндегі республикалық комиссияның жұмыс органы – Қазақстан
Республикасы Білім және ғылым министрлігі шет елдердің тиісті мемлекеттік органдары, шетелдік
жоғары оқу орындары, тілдік мектептер, ғылыми ұйымдар, ғылыми әріптестер және/немесе
статистикалық, рейтингтік және өзге де тиісті ұйымдар ұсынған құжаттардың және/немесе өзге де
ақпараттың негізінде тамақтану, тұру, оқу әдебиеттерін сатып алу шығыстарының нормаларын
әзірлейді және бекітеді, сондай-ақ конкурс жеңімпазының Қазақстан Республикасында тұратын
жерінен академиялық оқу бойынша; тілдік курстардан, тағылымдамадан өту орнына дейін жол
жүру көлігінің түрі мен класын айқындайды. «Болашақ» халықаралық стипендиясы шығыстарының
осы бағыттарының 1-тармағында көзделген өзге де шығыстар қызмет көрсетуші ұйымдар беретін
растау құжаттарының негізінде төленеді.